

infra unum quodque spatium, postquam sibi vel eidem procuratori vacatio illius innotuerit, duxerit acceptandum, conferatis nostrarum precum intuitu, eundem ipsumque dominum Henricum Oschacz vel loco sui eius procuratorem eiusdem beneficii in possessionem corporaliter inducatis, inductum defendatis, eidemque de fructibus redditibus proventibus et obventionibus universis eiusdem beneficii respondeatis, et ab aliis quorum interest responderi faciatis integraliter et cum effectu, prout de vobis plenam in domino fiduciam obtinemus, habentes nos iurium et libertatum vestrarum et ecclesiae defensores proinde fortiores. Datum Stolpen anno domini M. CCCC. XI. die XXIII. mensis Februarii.

Nach Ursinus dipl. Misn. I. fol. 453 in der K. öffentl. Bibl. zu Dresden, der die Urkunde aus dem Liber Theodorici fol. 293 wahrscheinlich nicht genau abgeschrieben hat.

No. 819. 1411. 23. Febr.

*Derselbe präsentirt dem Capitel zu Zscheila seinen Capellan Heinrich von Oschatz zur ersten bei demselben zur Erledigung kommenden Pröbende.*

Salutatione amicabili praemissa honorabiles devoti dilecti, significamus vobis quod honorabili viro domino Henrico de Osschatz cappellano nostro continuo et commensali devoto et sincere dilecto ad ecclesiam Czilawensem primarias dederimus preces nostras. Quare serosius requirimus vos omnes et singulos, quatenus propter praemissa convocationem inter vos faciatis ipsumque dominum Henricum ipsarum precum nostrarum primariarum intuitu ad primam praebendam vacaturam, quam ipse elegit acceptandam, sine contradictione et difficultate, prout alii in aliis nostrae diocesis collegiis apud antecessores nostros super huiusmodi precibus sunt admissi, pacifice admittatis, nec contra huiusmodi laudabiles consuetudines inconcusse servatas per intrusum quempiam aut per optionem vestram impediendam aliter non facturi, ne de vobis tamquam antiquarum libertatum et consuetudinum ecclesiae nostrae interceptoribus cogamur regulari. Datum ut supra.

Nach Ursinus dipl. Misn. I. fol. 454 wie No. 818.

No. 820. 1411. 30. Apr.

*P. Johann XXIII. fordert den Bischof und das Capitel auf bei der gesammten Geistlichkeit der Meissner Diöcese eine Geldsammlung zu Unterstützung der römischen Kirche gegen K. Ladislaus zu veranstalten und das Ergebniss möglichst bald durch Wechsel oder auf sonst sichere Weise an die päbstl. Kammer einzusenden.*

Johannes episcopus — venerabili fratri . . episcopo et dilectis filiis capitulo ecclesiae Misnensis salutem etc. Sancta et immaculata mater ecclesia etc. Quantis itaque post susceptum a nobis deo volente iugum apostolicae servitutis et gravibus pressi fuerimus oneribus expensarum, et qua quasi importabili eorum mole premamur assidue, si recto examine Christi fideles considerent, iusta compassione compulsi nobis et praefatae ecclesiae in tot arduis necessitatibus occurrerent subsidiis opportunis. Nam